

Powšitkowne WOZJEWJENJA

njedźelu, 26. junija 2011

Duchowny koncert w Chróścicach

Chór a instrumentalisća 1. serbskeje kulturneje brigady přeprašuju pjatk, 1. pražnika, na duchowny koncert do Chróšćanskeje cyrkwy. Šulerjo zanjesu twórby serbskich, francoskich, italskich a něm-
skich komponistow. Koncert započnje so po Božej mši, kotraž je w 19 hodź.

Putnikowanje do Krupki

Na pěše putnikowanje do Krupki su młodostni ze wšěch wosadow přeprašeni. Procesion woteńdže
njedźelu, 24. julija, z Chróścic a wróci so pjatk, 29. julija. Zajimcy měli so najpozdzišo hač do pjatka,
1. julija, w Chróścicach na farje přizjewić, telefonowe čisło (03 57 96) 8 04 00. Zhromadźizna
putnikow je nedźelu, 3. julija, po nyšporje na Chróšćanskej farje. Tutón termin je wažnych informa-
cijow dla za wšitkich winowatostny. Štóž so přeni raz na putnikowanju wobdźěli, njesmě na žadyn pad
pobrachować. Boža mša w Krupce budže srjedu, 27. julija, w 10.00 hodź.

Pěši do Częstochowy a zetkanje putnikow

Tež lětsa pozbudža farar Beno Jakubaš, so w serbskej skupinje na putnikowanje z Warszawy do Czę-
stochowy podač. Budže to jubilejne 300. putnikowanje wěriwych z Warszawy do Częstochowy. Hič
smě kóždy sobu, kotryž je 18. žiwjenske lěto docpěl. Termin putnikowanja je wot 5. do 15. awgusta.
Zajimcy njech so přizjewja hač do nedźele, 3. julija, pola fararja Bena Jakubaša w Njebjelčicach,
telefonowe čisło (0 35 78) 30 20 05. Zetkanje wšitkich putnikow budže wutoru, 5. julija, w 19.30 hodź.
na Njebjelčanskej farje.

Putnikowanje dźěci

Dźěci ze wšitkich serbskich wosadow su srjedu, 13. julija, na putnikowanje do Róžanta přeprašene.
Boža mša w cyrkwi budže w 10.30 hodź. Po mjezyprogramje so putnikowanje z nyšporom w 13 hodź.
zakónči.

Swobodne džělowe městna w Chróścicach

W domje swjateje Ludmile w Chróścicach poskićuja so scěhowace swobodne městna: wukubłanske
městno na hladarku/hladarja chorych, městno za socialne lěto a městno za swobodnu službu. Dalše
informacije dóstanu zajimcy pod telefonowym čislom (03 57 96) 9 47 30 abo w interneće
pod www.st-ludmila.de.